

D'âtra parte quelli che governavan alloa avievan vo-scîù che i Talien dormissan co-a testa in sciu zaino, che preferissan i cannoin a-o butiro, che a vitta comoda a vedessan comme o fumme in-ti euggi.

E premisse gh'èan. E sansioin economiche decretae da-a Societae de Nassioin ('na specie de ONU) contro l'Italia pe a guaera in Etiopia aveivan provocòn pochi sacrifici; a Zena me ricordo 'na scritta in te na buttega da vin: *scada de ciù o nostro barbera de l'antracite inglese*.

L'autarchia, battaglia do gran, dà a vera a-a Patria, avèi l'Impero; questa a politica di anni Trenta.

Se se fiscimo fermae! A guaera e che guaera doveiva arrivâ!

Oua no sen ciù o figgiu di anni Trenta ma un zoveno do 1943: tutti i tempi vegnan, comme o dixeva o cardinale Siri.

Risparmiâ, spende poco, no straggiâ. A famme a gh'è pe i civili e pe i sordatti. Un amigo prexoné di tedeschi o scrive a casa e pe no fâ savei a-a censura che o l'ha famme o dixie ch'ò fa di *lunghe discorsi con l'amico Basina*. A censura, no savendo o zeneise pe fortunna a lascia passâ a lettera senza problemi.

I tempi son sempre ciù brutti, mancan i generi de primma necessitae, o caffè o l'é faeto de tutte e porcaje, se sarva solo l'astragalo, servio in te pochi bar.

O pan o l'é poco e grammo. Dixan che han arrestòu un tale perché o l'aveiva dito che *Mussolini è buono come il pane*.

In scia Domenega do Corriere a Scia Petronilla a mostra comme se costruisce 'na cascetta de cottù (na pignatta a prescion *ante litteram*) imbottia de strasse pe finì de cheuxe o menestron feua do feugo.

Oua son tempi passae.

A guaera, in Italia armeno, a l'é finia da ciù de sciusciant'anni e oua o nostro Paise o l'é tra e eutto nassioin ciù importanti do mondo.

Aumenta a produccion industriale e coscì i consumi devan cresce secondo e lezzi do mercòu.

Alloa quelle parolle che 'na votta éan refuse solo pe mè: *risparmiâ, spende poco, no straggiâ*, son diventae antipatiche ascì ai commercianti e a quelli che g'han o timon de l'economia che invitan a gente a spende e a spande.

Tutti i tempi cangian!



Una
tazza di

**KARKADEE
KEBE**

il tè rosa dell'Impero

*apra e chiuda felicemente la vostra giornata
dandovi freschezza e benessere*

AZIENDA IMPORTAZIONE PRODOTTI COLONIE ITALIANE
Via Asiago, 4 - ROMA

ILLUSTRAZIONI

Le illustrazioni di questo articolo sono tratte da "Almanacco della Donna Italiana" degli anni 1941 e 1942.

le parole del gatto

DI ELENA PONGIGLIONE

